

21.04.2023

La Quotidiana

venderdis, ils 21 d'avrel 2023

Mattiu presenta in niev song

«Maria» senumna la nova canzun dil cantadur e cumponist *Mattiu*. Il musicist oriund da Trun fa damondas al cor en siu lungatg-mumma. Sco quei che la Südostschweiz scriva, presenta il cant-autur quels dis ina nova single. Sco gia tier siu mini-album «Sur la Selva» digl onn 2022 senumna el mo pli Mattiu e desista dil num da famiglia Defuns. El resti fideivels a «siu lungatg matern ch'el ama, che daventa denton pli rars», citescha la Südostschweiz ina comunicaziun da siu Label Radicalis. Mattiu sez di davart sia canzun: «Far damondas a sesez san ins biaras. Entginas ein denton grev da rispunder. Quei ei era bien aschia. Jeu crei che nus possien denteren prender meglieras decisiuns cun nos cors che cul tgau.» (fmr)

* Cun «Maria» ella bagascha cuntinuescha Mattiu quels dis sia tura «Sur La Selva»; treis ga sepresenta el el Grischun. Venderdis, ils 21 d'avrel 2023 allas 21.15, Postremise, Cuera. Sonda, ils 22 d'avrel 2023 allas 17.00, Aula, Laax. Dumengia, ils 23 d'avrel 2023 allas 16.00, halla polivalenta Vella.